

Heinrich Rahn

**Rector Universitatis Rostochiensis Henricus Rahne, I. D. & Prof. Ad Festum  
Pentecostes Summa cum animorum devotione rite celebrandum Omnes  
Academiae Cives serio adhortatur**

Rostochii: Kilius, 1648

<http://purl.uni-rostock.de/rosdok/ppn734824041>

Druck Freier  Zugang



R.U. Progr. 1648

1) Johann Quistorp

2) Heinr. Rahne

3) "

4) "

5) Joach Schnobel







3  
RECTOR  
Universitatis Rostochiensis  
HENRICVS RAHNE,

J. D. & Prof,

*Ad*

FESTUM PENTE-  
COSTES

Summa cum animorum de-  
votione rite celebrandum

*Omnes Academia Civis serio adhortatur;*



ROSTOCHII,  
*Typis NICOLAI KILII, Academiae*  
*Typographi, Anno 1648.*



RECTOR  
Universitatis Rostochensis  
HENRICVS RAVNE

FESTUM PENTE  
COSTES

Summa cum animorum de  
votione et celebrantia  
Omnes Academicus Civis et Scholares



ROSTOCHII  
Papa NICOLAI KELL. Academi  
Typographus et Editor





Um in eo jam esset, ut Conservator noster peractis in terra omnibus, quæ ad obtinendam asserendamque generis humani salutem pertinebant, sursum in cælos reciperetur; congregatis duo decim viris suis hunc in modum præcepit:

*Tempus abire mihi est, vos hinc durate, nec Urbem Orbe prius mutate, DE I quàm SPIRITUS alto Induat è cælo cunctos post pauca dierum.*

Cui dicto audientes illi, precibus indies ad Deum patrem effusis, promissum Hierosolymis præstolantur. Et ecce in ipsa Pentecostes solemnitate derepente ad eos cœlitus SPIRITUS sanctus, maximo cum sonitu, ac velut impetuosissimi venti cujusdam flatu deruit,

*Et simul omneis Irrigat igne suo: varique oracula lingua*

*Omnibus inspirat.*

Ita quidem, ut nulla gens sub sole degeret, cujus illi linguam non, quam optimè, quàm perfectissimè callerent, haud secus ac si vernaculæ eis essent, easque cum primo nutricis lacte imbibis-



sent. Itaque factum, ut, cum eâ temporis so-  
lennitate, omnium fere nationum homines in  
Urbe versarentur, visis atque auditis Apostolis,  
suam in qua quiq; nati essent, audientes linguam,  
mirarentur, obstupescerent, & exclamarent:

*Nonne hi sunt omnes Galilæi? quomodo linguis  
Ergo loqui variis audimus nostrâ, sub omni  
Qui sumus orbe sati?*

Divinum profecto magisterium in hoc sese  
omnium manifestissimè exseruit. Nec vero est,  
quod aliquis Dæmoniacos vel arreptitios nobis  
objiciat, quos ignotâ aliquid lingvâ deblatera-  
re aliquando forte contingit. Neque enim lo-  
quuntur ipsi, sed Cacodæmon ille juratus huma-  
ni generis hostis per eos ipsorum abutens linguis:  
miseri interea eorum quæ effutiunt haud quic-  
quam intelligunt, sed tiliarum instar aliunde  
inflati, sine mente sonos edunt. Quid igitur isti  
commune habent cum Apostolis? Hi revera ipsi  
locuti sunt, & *ῥήτοροι* sermonis sui formatores at-  
que effectores extiterunt. Quærat aliquis quem  
donum istud linguarum usum habuerit? Unum  
Apostolus indicat, linguas infidelibus dicens es-  
se signum, nempe, maledictionis & pœnæ in-  
stantis. Ut enim alia signa fidem piorum ædifi-  
cabant, obstinationem verò infidelium convin-  
cebant:



cebant. ita præfractos & pertinaces Judæos tanto magis redarguebat linguarum exoticarum donum, quanto illustrius erat prædictionum Propheticarum complementum. Alter usus longè fuit augustissimus. Nam linguarum beneficio fieri debuit, ut salutaris Evangelii concio, ex illis gentis Hebrææ angustiis educta, in omnes terras atque maria propagaretur; omnibus populis ac gentibus annunciaretur. Quid miseris mortalibus donari potuit præstantius? quid dignius? quid utilius? Fateor equidem varietatem linguarum, quâ impedita fuit constructio turris in Sinear primitus exquisitissimæ poenæ loco inflictam fuisse. Tunc enim, una cum esset omnium mortalium lingua, confusionem linguarum induxit DEUS, ut turbaret atque disijceret eos, qui non secus, quàm de gigantibus deos & cælum oppugnantibus, finxit antiquitas, munimentum firmissimum, & arcem sua opinione inexpugnabilem contra verum DEUM construere, eumque veluti in ordinem redigere, & leges ipsi præscribere conati sunt. At ut illa ingens olim poena fuit, ita hoc sane ingens est donum, & ad Ecclesiæ ædificationem maximum habet momentum. Quippe nos ipsi huic beneficio linguarum debemus, quod fideles DEI servi omnimoda illa



linguarum cognitione instructi, nostro idioma-  
te doctrinam CHRISTI in hanc etiam mun-  
di plagam disseminârunt. Plura, CIVES ACA-  
DEMICI, audietis è suggestis, quibus nos de-  
ditâ opera hoc loco supersedemus, intenti dun-  
taxat ad hoc, quod officii ratio à nobis exigit, &  
quod etiam me tacente decere vos intelligitis  
Agere vos gratias jubemus DEO ter optimo  
maximo, quod Ecclesiam suam cùm summis aliis  
longeque amplissimis beneficiis, tum etiam hoc  
admirabili linguarum dono auxerit atque orna-  
verit: quod idem etiam superioribus seculis ne-  
glectum ac barbarico revera cæno demersum,  
denuo in lucem produxerit atque expoliverit.  
Præclarè Philosophorum quidam dixit olim, id-  
circo hominem orbis hujus universi Antistitem,  
ab illo sapientissimo mundi architecto condi-  
tum & in hanc scenam terreni theatri ablegatum  
esse, ut spectator divinorum operum esset, neque  
vero spectator solum sed interpret etiam ac ce-  
lebrator. Agnoscamus igitur & nos magnalia  
DEI & agnita publicè, pro ea ac debemus, animi  
devotione, celebremus. Incumbamus, inquam,  
in id omni conatu, ut præsens hoc festum piis  
precibus ac meditationibus sacris transigamus,  
atque ita templa DEI, & Spiritus sancti *δικητήρια*  
simus



simus, eademque ad extremum usque vitæ hali-  
tum constanter maneamus. Nullo profecto  
majore supplicio potest afficere DEUS il-  
los, qui parere nolunt salutaribus monitis ipsius,  
quàm si eos patiatur indulgere, atque obse-  
qui cupiditatibus suis, & sua consilia sequi,  
quibus sibi pestem ac perniciem machinantur,  
& comparant; idque tum maximè, cum sibi sapere  
ac rebus suis optimè consulere videntur. Ita-  
que semper orandus est, ut nos ipse Spiritu suo  
sancto regat ac gubernet. Quicumque enim spiri-  
tu DEI ducuntur, ut ait Apostolus, ij sunt filii  
DEI, cæteri DEUM non propitium, sed iratum  
habent. Ea sunt hodie tempora, ea est ilias malo-  
rum, quorum sub pondere facile succumbere-  
mus, absque Spiritus sancti robore essemus. Est  
enim dulcis ille Paracletus non sanè ἀέριος; sed  
consolatione perfundens fidelium animos, om-  
nem intellectum superante, longeque diversis-  
simâ à mundi larvis, quæ in lucta tentationum  
protinus evanescent, & pro thesauris carbones  
hominibus relinquunt. Date igitur huic animo-  
rum vestrorum altaria, ut flammam injiciat; cor-  
dium Capitolia, ut charitatem accendat; men-  
tiû sacraria, ut radios suæ lucis immittat; vos to-  
tos præsentate, ut puritatem infundat. In ejus  
obsequio



obsequio gratissimum est & vivere, & mori. Tu  
vero age,

*Lux de luce, D E I* majestas fulgida, flammam  
Nostrorum penitis animorum infunde medullis,  
Ut propiore tui radii virtute calecant.

*Nullibi sufficimus sine te, sine numinis auctu*

*Indultuque tui: quid enim possimus? ad unum*

*Ausi omnes immane nefas. Verum eluc labem*

*Concretam; sterilesque riga pietatis; & igni*

*Algida corda fove; rege devia; duraque flecte:*

*Divinosque animos, contermina pectora caelo*

*Immitte, ut per Te Mundum superemus & Or-*

*Gandia in aetherio capturi aeterna Senatu. (cum,*

**FIAT! FIAT!**

P. P. Rostochi sub sigillo Academiae, feria pri-  
ma Pentecostes, An. clo lbc XLIIIX.













ē paradiso ejeti tenebris flammam  
 nati eramus. Nunc verò per Nati-  
 losam sic Deo jungimur, ut  
 credentes filii Dei & æternæ glori-  
 nunc filius Dei factus nostra caro  
 Deus in nobis, cum nobis, inter  
 adeoq; totus nobis natus & datu-  
 cat, blandè ad se invitat, & delicia  
 habet. Pax nobis cum Deo nunc  
 conciliatio perfectissima, benevolen-  
 Quis enim à Deo nos jam separabi-  
 mus & frater noster factus sibi co-  
 bit, quorum causam Deus ipse assu-  
 suam impertit, quos velut oculi  
 sponsus sponsam, aut pastor fideles  
 & defendit? Quis deniq; peccatu-  
 fernus ullâ ratione nos turbare aut  
 tranquilla deicere possent, cum  
 amus propitium, peccatores reci-  
 tris instar solantem, vitam & i-  
 sanctè promittentem? GAUDETE  
 hoc Servatore nostro semper, & i-  
 dico, GAUDETE, curas procul  
 te, quia nobis adest I M M A N U  
 Angelicam, quâ nato Christo  
 GNUM universo orbi partum  
 ciatur. Exurgat anima quæ visum  
 Dominum & in Deo salutis suæ  
 Canamus cum Ecclesiâ: *Grates*

ernis desti-  
 anc miracu-  
 incarnatum  
 evadamus;  
 manuel, est  
 propter nos,  
 amicos vo-  
 er homines  
 ima, recon-  
 ma & imota.  
 eus ipse Ho-  
 quis accusa-  
 s justitiam  
 llam velut  
 am custodit  
 o, mors, in-  
 te solidâ ac  
 unc habea-  
 afflictos ma-  
 eeste nobis  
 in Domino  
 n Apostolo  
 nihil metui-  
 tate vocem  
 UM MA-  
 oribus nun-  
 magnificet  
 ico exulter.  
 es reddamus  
 Domi-

